

RAIZ CU MENOS CANDIDATO CU ELECCION DI AÑA 2021

17 October, 2024, 9:43 pm



Algo prome cu 8:00 PM Plataforma Raiz tabata cla cu su lista y a presenta esaki na pueblo di Aruba. Prome a pasa un video cu e diferente candidatonan y despues e lider Ursell Arends a menciona e nombrenan y a laga cada un hiba palabra.

E lista di e candidatonan, cu ta un candidato menos cu e eleccion pasa y e secuencia ta como lo siguiente:

1. Ursell Arends
2. Raymicheline Raymond
3. Randall Leong
4. Raymond Kamperveen
5. Carlos Guiamo
6. Twyma van der Biezen
7. Aron Verschuur
8. Luigi Rasmijn
9. Marisabelle Croes-Arends
10. Anouk Balentina
11. Kinsasha van der Bliek



Facebook live link: <https://fb.watch/vhwkXreRCd/>

Pronto lo por bay mira e website: www.changetheSystem.aw riba cual lo por lesa tur e plannan di Plataforma Raiz. E prome cuater candidatonan menciona tabata riba e lista anterior di Raiz den eleccion na aña 2021.

Twyma van der Biezen ta conoci den area di consultancy y ta duna hopi tayer, mientras cu un tempo e tabata traha como consultant cu Gobierno tambe.

Aron Veschuur ta un dokter trahando na ImSan.

Luigi Rasmijn ta empresario y musico, kende ta mas conoci den e circulo di musica.

Marisabella Croes-Arends su pasion ta educacion y ta un docente di muchanan special. E ta casa y ta mama di dos yiu.

Anouk Balentina, activista na bienestar di medio ambiente y un fuerte critico di maneho di Ursell Arends, a dicidi di uni na e plataforma politico aki. Cu su experiencia den ramo gubernamental, e ta kere di por duna un aporte importante pa gobernacion di Aruba.

Randall Leong, ta un profesional den area di Salud Publico, kende a tuma e decision te cu diahuebs mainta

Un candidato no tabata presente na e presentacion, esta Kinsasha van der Blik, kende anteriormente tabata forma parti di Partido RED Democratico di Ricardo Croes.

Ursell Arends a admiti cu no ta facil pa cera un lista den un tempo asina cortico, pero a logra haya candidatonan cu di berdad ta kere den e cambio cu Raiz kier bini cu ne. Ta bay tuma hopi enfoke riba Salud Publico pa garantisar salud necesario pa hoben y Adultonan Mayor. A bisa cu den e programa tin hinca e problema relaciona cu limitacion di remedi cu AZV ta cubri.